



СѢ́АГѠ ВЕЛНКОМѢННИКА ꙗ ЦѢЛНТЕЛА
ПАНТЕЛЕИМОНА.

Редакція и составление Г.Смирнова
Храм св. вмч. Георгия Победоносца в г. Долгопродномъ

✠ ВѢНІ

СОДЕРЖАНИЕ

На Господи воззвах, глас 4. Подобен «Званный свыше». Напева Оптиной Пустыни. Излож. Г.Смирнова.....	3
На Великой Вечерни и на Утрени (Текст).....	7
На Хвалитех, глас 8. Подобен «О, преславного чудесе!». Напева Оптиной Пустыни. Излож. Г.Смирнова.....	19
На Хвалитех и на Литургии (Текст).....	23

Святого великомученика и целителя Пантелеимона

На Господи возвах, стихиры на 6, глас IV.

Подобен: Званный свыше:

Напева Оптиной Пустыни

Излож. Г.Смирнова

1. Из глубины возвах к Тебе, Господи, / Господи, услыши глас мой.

2. Да будут уши Твои / внимлюще гласу моления моего.

C. A. И - же по достоянию зван был Пан - те - ле - и - мон, ег -

T. B.

да человеколюбное всем простерл еси душ по - пе - че - ни - е,

и те - лес ис - це - ле - ни - е по - ка - зу - я:

тог - да тезоименным званием обо - га - тил - ся е - си,

доб - ро - де - те - ли воз - да - я - ни - е, и бла - го - чес - ти - я

воз - мез - ди - е му - че - ни - че об - рет, вен - це - но - сец и не - по - бе -

дим во-ин явль-ся Хри-ста Бо - га на - ше - го:

Е-гоже моли спасти и просветити ду-ши на - ша.

3. Аще беззакония назриши, Господи, Господи, кто постоит; / яко у Тебе очищение есть.

4. Имене ради Твоего потерпех Тя, Господи, потерпе душа моя в слово Твое, / упова душа моя на Господа.

И - же от не - ве - щест - вен - ных ис - точ - ник Спа - си - те - ля,

бо - жеств-венных исцелений присно благодать по-чер-па - я,

и бо-гат - но из-ли-ва - я, иподавая приступающим к тебе,

все-бла-жен - не, всех слав-но - е тво - е и все-свя -



шен - но - е, и све-то-нос - но-е торжество верно совер-



ша - ющих, бла-годатию Божественно - ю сих о - за - ри,




бо-го-по-доб-ным помазан именовани-ем, я - ве и бла - гос-ти -



ю: ей - же молим всем дароваться, по - ю - щим тя.

5. От стражи утренния до ночи, от стражи утренния, /
да уповает Израиль на Господа.



Му - ка - ми мно - ги - ми ис - ку - си - ся тво - я ны - не ог - не -



паль - на - я лю - бовь, ко е - же су - ще - му же - ла - ни - ю,

мо-рем и ог-нем за - вист - но бо-рим. Тем-же зло-на-чаль - на-го

ис - про-верг, жи-во-нос - но - е дейст-во У - те - ши - те - ля

я - ве при-ят бо-га-то-да - тель-но-е. Е - ю - же и жи-ва

пре-славно умершаго богомудре по-ка - зал е - си,

и различная исцеления соделал еси, пре-бла-жен - не.

НА ВЕЛИЦЕЙ ВЕЧЕРНИ

Блажен муж, 1-й антифон

НА ГОСПОДИ ВОЗЗВАХ

стихиры на 6, глас 4. Подобен: Званный свыше:

1. Стих: Из глубины воззвах к Тебе, Господи,/ Господи, услыши глас мой.

2. Стих: Да будут уши Твои/ внимлюще гласу моления моего.

Иже по достоянию зван быв Пантелеймон,/ егда человеколюбное всем простерл еси душ попечёние,/ и телёс исцеление показуя:/ тогда тезоименным званием обогатился еси,/ добродётели воздаяние,/ и благочестия возмездие мучениче обрёт,/ венценосец и непобедим воин явлься Христа Бога нашего:// Егоже моли спасти и просветити души наша.

Дважды.

3. Стих: Аще беззакония назриши, Господи, Господи, кто постоит;/ яко у Тебе очищение есть.

4. Стих: Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

Иже от невестественных источник Спасителя,/ божественных исцелений присно благодать почерпая,/ и богáтно изливая,/ и подавая приступающим к тебе, всеблаженне,/ всех славное твое и всесвящённое,/ и светоносное торжество верно совершающих,/ благодатию Божественною сих озари,/ богоподобным помазан именованием, яве и бла́гостию:// ейже моли всем дароватися, поющим тя.

5. Стих: От стражи утренния до ночи, от стражи утренния,/ да уповает Израиль на Господа.

Муками многими/искусися твоя ныне огнепаная любовь,/ ко еже сущему желанию,/ морем и огнем завистно борим.

Темже злоначальнаго испроверг, живоносное действо Утешителя яве прият богатоделательное. Еюже и жива преславно умершаго богомудре показал еси, и различная исцеления соделал еси, преблаженне.

Ины стихиры, глас 2. Самогласны: [Анатолиево]:

6. Стих: Яко у Господа милость и многое у Него избавление:/ и Той избавит Израиля от всех беззаконий его.

Безмѣдно благодать даеши челове́ком,/ Пантелеимоне мучениче сла́вне:/ и дѹхи отгониши призыванием Христо́вым,/ и слепым видети да́руеши,/ я́ко Того угодник и́скренний:/ но моли, врачу всеблаже́нне,/ дарова́ти миру ми́р твёрд, // и тя любящим велию ми́лость.

7. Стих: Хвалите господа вси языцы,/ похвалите его вси людие.

Ма́тере благочестивыя возжелал еси ве́ру,/ отчее исправил еси нечѣстие,/ Ермола́я бо утвержда́ся уче́нии,/ сим и крещение соверши́л еси́,/ Пантелеи́моне мучениче сла́вне:/ Милостиваго Бога, недугу́ющих врачу́/ и страсте́й отгонителю,/ моли избавитися от напа́стей, // верою творящим пречестную па́мь твою́.

8. Стих: Яко утвердися милость Его на нас,/ и истина Господня пребывает во век.

Отри́нул еси прелесть отца, всесла́вне,/ и словеса матерня смы́сленно прие́мь,/ па́че злата плод прине́сл еси́,/ по Господню гласу, и врач изряден яви́лся еси́,/ Пантелеи́моне мучениче сла́вне:/ шествуя же благода́ти путе́м,/ обре́л еси лежаща низу младенца, ехидною угрызе́на,/ и к Бо́гу молитву сотворив и прилежно помолѣ́всь,/ абие отрока воскресѣ́л еси/ и зверя растерза́л еси́./ Темже поминай нас верою творящих твою па́мь, // яко да обрящем милость в День Су́дный.

«Слава» – глас 6. Византиево:

Возсия днесь честная память безсрѣбреника,/ верныя созы-
ваючи на трапезу та́йную,/ и к торжеству празднственному
водяши празднолюбных составлѣния:/ наста бо ныне нам
чудодейственный врач,/ недуги всем исцеля́й,/ Пантелеи-
мон твердый страда́лец,/ и молится прилежно Го́сподеви, //
спасти́ся душáм нашим.

«И ныне» – Богородичен:

Кто Тебе не ублажит, Пресвятая Дево;/ Кто ли не воспоет
Твоего пречíстаго Рождества́;/ безлетно бо от Отца возсия-
вый Сын Единорóдный/ Тойже от Тебе, Чистыя, прóйде,/
неизреченно вопло́щся,/ естеством Бо́г сый,/ и естеством
быв Человек нас ра́ди,/ не во двою лицу разделяемый,/ но
во двою естеству неслитно познава́емый./ Того моли, Чис-
тая Всеблаже́нная, // поми́ловатися душáм нашим.

Вход. Прокимен дне и чтения три.

Сподоби Господи

Сподоби, Го́споди, в вѣчер сѣй без греха сохранíтися на́м./
Благословѣн еси, Го́споди, Боже отец на́ших,/ и хва́льно и
прославлено имя Твое во вѣки. Амíнь.

Буди, Господи, милость Твоя на нас, якоже упова́хом на
Тя́./ Благословен еси, Го́споди, научи мя оправд́анием
Тво́йм./ Благословѣн еси, Влады́ко, вразуми мя оправ-
д́анием Тво́йм./ Благословен еси, Святы́й, просвети мя оп-
равдании Тво́ими.

Го́споди, мíлость Твоя во век, дел руку Твоею не прѣзри./
Тебе подобает хвала, Тебе подобает пѣние,/ Тебе слава по-
добает, Отцу и Сыну и Святому Ду́ху, // ны́не и прíсно и во
веки веко́в, амíнь.

НА ЛИТИИ

Стихира храма.**Таже, стихиры великомученника, глас 1. Византиево:**

Подвигом добрым подвизáлся еси/ и течение скончал еси мучéния твоего́,/ мучениче Пантелеймоне,/ темже в Вышних со áнгелы лику́еши,/ досто́йно болезней твоих прием Вышнее Цáрство,/ моли убо, врачу всеблаже́нне, // даровати нам велию мѝлость.

Глас 2:

Киими песненными добрóтами/ тебе Пантелеймоне почтѝм?/ Телéсною красотою и душевною добрóтою/ светло просиява́юща,/ умным рачением просвещéнна/ и рáзума хитростию укра́шенна,/ юна возрастом, ведца же смы́слом,/ возрастаго Божественными учéнии // и стяжавшаго Христа усердною любóвию.

Киими песньми тебе, Пантелеимоне, возвели́чим?/ Егоже па́че естества́/ словесы́ и дéлы просла́ви Господь/ и множеством возвы́си чудес,/ егоже зарею многих дарóв просвети́/ и сла́вою венцев Божéственных украси́,/ егоже в бедáх предстателя трéбующим/ дарова Христос Бóг наш, // имей велию мѝлость.

Киими похвальными пѝсньми/ тебе, Пантелетмоне, возвели́чим?/ Христоподóбною благосты́нею озарéнна/ и подаю́ща всем просиявшим велию мѝлость,/ Божественным тезоименитством укра́шенна/ и дéлы Всеми́лостиваго показáнна,/ яко приснотекущая река воды живы́я, // исцеления проливаю́ща притекающим к тебе с верою.

Глас 5, самогласен:

Всесветлая мученика пáмять/ сияет, яко со́лнце, концéм/ и непрестáнно подавает верным исцелéния,/ недúги отгоняющи и страсти исцеля́ющи,/ молится бо присно Пантелеимон

Христу Бо́гу// даровати душам нашим вéлию мѝлость.

«Слава» – глас тойже. **Византиево:**

**Приидите, мучениколю́бцы,/ единомудренно вси восхвалим
страстотерпца Христо́ва,/ по благочéстии добре под-
ви́гшася/ и по́честию победною одéявшася,/ светильника
вселénныя/ и присносия́ющую звезду Цéркве./ тёмже и к
нему, вопи́юще рцём:/ Пантелеимоне, мучениче сла́вне,/
бúди нам душам же и телом спасéние/ и покрóв недви́жим,/
моля́ся ко Господу о нас непреста́нно,// во éже спасти́ нас.**

«И ныне» – **Богородичен:**

**Блажим Тя, Богородице Дéво,/ и славим Тя, вернии, по
до́лгу,/ гра́д непоколебимый, стену необори́мую,/ твёрдую
предста́тельница// и прибе́жище душ на́ших.**

НА СТИХОВНЕ СТИХИРЫ, ГЛАС 1-Й:

**Дóбляго страдальца Пантеле́имона,/ по благочестии подви-
за́вшася,/ приидите, людие, воспоим глаго́люще:/ радуйся,
твердый véры побóрниче/ по проро́цах и апо́столах,/
ра́дуйся, Христа в себе имéвый,/ подóбся дела Пáвлу,/ ра-
дуйся, плавающим небúрное приста́нище,// радуйся, наше
похвало и цeркве верных ра́дование.**

**Стих: Праведник яко финикс процветет,/ и яко кедр, иже в
Ливане умножится.**

**От младенчества добрую стезю́ обрёт,/ милостию Христо-
вою помазав сéрдце,/ болéзни целиши просящим усéрдно,/
отнюдуже и умершего воздвигл еси моли́твами тво́ими,/ и
восприя́л еси небесное ца́рствие,// Пантелеимоне всебла-
жéнне.**

**Стих: Насаждени в дому Господни,/ во дворех Бога нашего
процветут.**

Страстотерпца Христова похва́лим,/ мудрого Панте-

леймона,/ иже змия уби силою крестною,/ и молитвами Ермолаевыми отрока воскреси,/ и несвященныя посрами мудрости словеса,/ иже и молится непрестанно, // всем пода-ти согрешений прощение.

Ины стихиры, поемая в Русской обители святого великомученика Пантелеимона на Афоне, глас 5:

Радуйся, Пантелеимоне мудре,/ матернее возлюбивый благочестие,/ отца же нечестие возненавидевый/ и ко благочестию богомудрыми сего наставивый увещании,/ священнейшим Ермолаем научен вере совершеннейше,/ угрызённа же ехидною/ и умерщвлёна отрока молитвою твоею воздвигнувый,/ змия видимаго растерзав и невидимаго,/ Христа моли, чудодейственниче, // даровати нам велию милость.

Стих: Праведник яко финикс процветет,/ и яко кедр, иже в Ливане умножится.

Радуйся, Пантелеимоне твёрде,/ доблестно пред-ставый судящему,/ и пред сим велегласно Христа исповедавый,/ и Бога Истиннаго, треблаженне,/ никакоже устращася страшных орудий мучения,/ но претерпев мужественно биения,/ опаления же и строгания,/ кипящее олово и всесокрушительное коло,/ борение со зверьми и водою,/ божественныя же главы усечение,/ дерзновение убо имея ко Господу,/ Тому, великомучениче, молися // даровати нам велию милость.

Стих: Насаждени в дому Господни,/ во дворех Бога нашего процветут.

Радуйся, Пантелеимоне благосерде,/ с Небесе по достоянию приемый/ от Всемилостиваго Спаса именование все-милостиваго,/ еже уверяеши дела воистину,/ всех милуя, к тебе притекающих,/ врачу скорый недугоющих,/ исцелений реко приснотекущая,/ источниче чудес неисчерпаемый,/

мучеников похвало, безсребренников славо,/ Христу моли-
ся, целёбниче, // даровати велию милость.

«Слава» – глас 8. Византиево:

Матернее возлюбив благочестие,/ отчим же безбожием воз-
гнушався,/ Врачу душ воин быв,/ врачёбне себе наказал
еси:/ и божественную благодатию во обоих благоискусен,/
страстей всегубитель,/ и душ врач показался еси:/ но якоже
в страданиях твёрдое,/ и в молитвах приснопробывательное
стяжав,/ Пантелеимоне мучениче Христов, // прилежно моли
спастися душам нашим.

«И ныне» – Богородичен:

Безневестная Дево,/ яже Бога неизреченно заченши
плотию,/ Мати Бога Вышняго,/ Твоих рабов мольбы при-
ими, Всенепорочная,/ всем подаючи очищение пре-
грешений:/ ныне наша моления приемлющи, // моли спастися
всем нам.

Тропарь. глас 3-й:

Стратотерпче святыи и целёбниче Пантелеимоне,/ моли
Милостиваго Бога,/ да прегрешений оставление // подаст
душам нашим. **Дважды.**

И Богородице Дево: Единожды.

Псалом 33:

Благословлю Господа на всякое время,/ выну хвала Его во
устех моих./ **О** Господе похвалится душа моя,/ да услышат
кротцыи, и возвеселятся./ **В**озвеличите Господа со мною,/ и
вознесем Имя Его вкупе./ **В**зысках Господа, и услыша мя,/ и
от всех скорбей моих избави мя./ **П**риступите к Нему, и
просветитесь,/ и лица ваша не постыдятся./ **С**ей нищий воз-
зва, и Господь услыша и,/ и от всех скорбей его спасе и./
Ополчится ангел Господень окрест боящихся Его,/ и из-

бáвит их./ **В**кусите и видите, яко блага́ Господь:/ блажен муж, иже упова́ет На́нь./ **Б**ойтесь Господа, вси святїи Его́,/ яко несть лишения боя́щимся Его́./ **Б**огатии обнищаша и взалка́ша:/ взыскаю́щии же Го́спода// не лишатся всякаго блага́.

На Бог Господь Тропарь. глас 3-й.

Стратотерпче святы́й и целебниче Пантелеймоне,/ моли Милостиваго Бо́га,/ да прегрешений оставле́ние// подаст душáм на́шим. **Дважды.**

«Слава и ныне» – **Богородичен:**

Тя, ходатайствовавшую спасение рода на́шего,/ воспеваем, Богородице Дéво,/ плотию бо от Тебе восприятою Сын Твой и Бо́г наш,/ крестом воспри́м стра́сть,// избави нас от тли, яко Человеколю́бец.

Величание:

Величаем тя,/ стратотерпче святы́й, великомучениче и целебниче Пантелеймоне,/ и чтим честная страдания твоя,/ яже за Христа// претепел еси.

Псалом избранный:

Бог нам прибежище и сила,/ помощник в скорбех, обрѣтших ны́ зело́. **С**его́ ради не убоимся, вегда смущается земля, и прелагаются горы в сердца морскія. **В**озшумѣша и смято́шася воды их, смято́шася горы крѣпостию Его́. **Р**ечная устремлѣния веселят град Божий: оставил есть селѣние свое Вы́шний. **Б**ог посреде его, и не подви́жится: помóжет ему Бог утро заўтра. **С**мято́шася язы́цы, уклони́шася царствія: даде глас свой Вы́шний, подви́жеся земля́. **Г**осподь сил с нами, заступник наш Бог Иа́ковль. **П**риидіте и видите дела Божія, яже положи́ чудеса́ на земли́: **О**тъемля брани до конец земли, лук сокрушит и слóмит ору́жие, и щиты́ сожжѣт

огнём. **У**празднитесь и уразумейте, яко Азь есмь Бог: вознесуся во языцех, вознесуся на земли. **Г**осподь сил с нами, заступник наш Бог Иаковль.

Степенна, 1-й антифон 4-го гласа.

Прокимен, глас 4: Праведник, яко финикс процветет, и яко кедр, иже в Ливане, умножится. **Стих:** Насаждени в дому Господни, во дворех Бога нашего процветут. **Всякое дыхание:** Евангелие от Луки, зачало 106.

Слава: Молитвами святого великомученика и целителя Пантелеимона/ милостивее очисти...

И ныне: Молитвами Богородицы...

По 50-м псалме стихира, глас 2:

Милостиваго Христа, Пантелеимоне,/ моли ныне, врачу Божий,/ избавити мя страстей// и помилovati мя.

Стихира самогласна, глас 3:

Возсия днесь славная память твоя,/ Пантелеимоне многострадальне,/ созывающи нас, празднлюбцев,/ на хвалу и славу Христу Богу нашему,/ в тебе источник чудес нам явльшему,/ тем, притекающе к раце мощей твоих,/ исцелений дарования приемлем,/ венчавшаго тебе Спаса Христа воспевающе во веки,// непрестанно славяще.

Канон Богородицы со ирмосом на 6 и святого два канона на 8. Канон первый, глас 2, егоже краеграние: Пантелеимона, изряднаго мученика, пою. Творение Феофаново.

Песнь 1. Ирмос:

Во глубинé постла иногда/ фараонистское всевоинство преруженная сила,/ воплощенное же Слово всезлобный грех потребило есть,/ препрославленный Господь,// славно бо прославися.

Катавасия: Отвѣрзу уста моя,/ и напóлнятся Дúха,/ и слово отрыгну Царице Мáтери,/ и явлюся светло торжествúя, // и воспою рáдуясь Тоя чудесá.

Песнь 3. Ирмос:

Процвелá есть пустыня, яко крин, Гóсподи,/ язы́ческая не-плодящая церковь прише́ствием Твои́м, // в нейже утвердися мое сѣрдце.

Катавасия: Твоя песнословцы Богорóдице,/ живый и неза-вѣстный истóчнице,/ лик себе совокупльшия, духовно ут-верди́,/ в божественней Твоей слáве // венцев слáвы сподоби.

Песнь 4. Ирмос:

Пришел еси от Девы, не ходатай, ни ангел,/ но Сам, Госпо-ди, воплощься,/ и спасл еси всего мя человека./ Тем зову Ти:// слава силе Твоей, Господи.

Катавасия: Седя́й в слáве,/ на престоле Божества,/ во обла-це лѣгце,/ прииде Иисúс Пребоже́ственный,/ нетленною длáнию,/ и спасе зовúщия:// слава, Христé, силе Твоей.

Песнь 5. Ирмос:

Просвещение во тьме лежащих,/ спасение отчаянных, Хри-сте Спасе мой,/ к Тебе утренюю, Царю мира,/ просвети мя сиянием Твоим, // иного бо разве Тебе бога не знаю.

Катавасия: Ужасошася вся́ческая/ о божественней слáве Твоéй:/ Ты бо Неискусобрачная Дéво,/ имела еси во утробе над всеми Бóга,/ и родила еси Безлетнаго Сы́на,/ всѣм вос-пева́ющим Тя // мѣр подава́ющая.

Песнь 6. Ирмос:

В бездне греховней валяясь,/ неизследную милосердия Твоего призываю бездну:// от тли, Боже, мя возведи.

Катавасия: Божественное сие и всечестно́е/ соверша́юще

празднество/ богомудрии Богомáтере,/ приидите руками
восплещим, // от Нея рождашагося Бóга славим.

Кондак, глас 5-й:

Подражатель сый Милостиваго,/ и исцелений благодать от
Негó приём,/ страсотёрпче и мучениче Христа Бóга,/ мо-
лiтвами Твоими душевныя наша недúги исцели,/ отгоняя
присно борца соблазны от вопиющих вёрно:// спаси ны,
Гóсподи.

Песнь 7. Ирмос:

Телу златому премудрыя дети не послужиша,/ и в пламень
сами поидоша,/ и боги их обругаша,/ среди пламене возо-
пиша и ороси я Ангел:// услышася уже уст ваших молитва.

Катавасия: Не послужиша твари богомúдрии/ пáче Соз-
дáвшаго,/ но огненное прещение мужески поправше,/ радо-
вахуся поюще:// препетый отцев Господь и Бóг благословён
еси.

Песнь 8. Ирмос:

В пещь огненну ко отроком еврейским/ снизшедшаго и пла-
мень в росу преложшаго/ Бога пойте, дела, яко Господа, // и
превозносите во вся веки.

Хвалим Благословим:

Катавасия: Отроки благочестивыя в пещи,/ Рождество Бо-
городичо спасло есть,/ тогда убо образуемое,/ ныне же
действуемое,/ вселенную всю воздвизает пéти Тебé:/
Гóспода пойте дела, // и превозносите Егó во вся веки.

Песнь Пресвятой Богородицы:

Вели́чит душа́ Моя́ Го́спода,/ и возра́довася дух Мой о Бо́зе Спа́се Моём.

Честне́йшую Херув́им/ и Сла́внейшую без сравне́ния Сераф́им,/ без ислéния Бо́га Сло́ва ро́ждшую,/ су́щую Богороди́цу, Тя велича́ем.

Яко призре́ на смире́ние рабы́ Своея́,/ се бо от ны́не ублажа́т Мя вси ро́ди. **Честне́йшую...**

Яко сотвори́ Мне вели́чие Си́льный,/ и свя́то Имя́ Его́, и ми́лость Его́ в ро́ды родо́в боя́щимся Его́. **Честне́йшую...**

Сотвори́ держа́ву мы́шцею Свое́ю,/ расточи́ го́рдья мы́слию се́рдца их. **Честне́йшую...**

Низложи́ си́льные со престо́л, и вознесе́ смире́нные;/ а́лчущия испо́лни благ, и богатя́щиеся отпусти́ тщи. **Честне́йшую...**

Восприя́т Изра́иля о́трока Своего́, помяну́ти ми́лости,/ я́коже глаго́ла ко отце́м на́шим, Авра́аму и се́мени его́, да́же до ве́ка. **Честне́йшую...**

Песнь 9. Ирмос:

Безначальна Родителя́ Сын, Бог и Госпо́дь,/ воплощся от Девы, нам явися,/ омраченная просветити, собрати́ расточенная.// Тем Всепетую Богороди́цу величаем.

Катавасия: **Вся́к** земноро́дный/ да взыграется Духом просвеща́емь,/ да торжествует же безплотных умо́в естество́,/ почитающее священное торжество́ Богома́тере,/ и да вопиёт:/ ра́дуйся Всеблаже́нная// Богороди́це, Чи́стая Присноде́во.

На Хвалитех, глас VIII

Подобен "О Преславнаго чудесе"

Напева Оптиной Пустыни
Изложение Г.Смирнова

1. Хвалите Бога на силах Его,

С. А.
Т. Б.




хва-ли - те Е-го по мно-жес-тву ве-ли - чест-ви - я Е-го.

①



Де - ло по - мы - шле - ни - я Выш - ня - го,



е - же на тебе бывшее, светло по - ка - за - ся,



те-лесная бо страсти це-ли-ти яв - ствен-но, Пан-те-ле-и-мо-не,



на - у - ча - емь, душ об-рел-ся е-си врач из-ря - ден,



сло - вом бла - го - да - ти у - вра - чу - я вся

и мрач - ны - я лести избавляя к тебе при - те - ка - ю - щи - я.

2. Хвалите Его во гласе трубнем,

хва - ли - те Е - го во псал - ти - ри и гус - лех.

②

Ми - лос - ти Бо - жи - я по - до - бя - ся, Пан - телеимон яве име - но -

ва - ся, су - губо прием имя и подоб - но - е ве - щи.

Я - ко со - стра - да - те - лен бо, ми - лу - е - ши всех,

су - гу - бо по - да - ва - я сим ис - це - ле - ни - е,

пи-та - я и це-ля, и к ра-зу-му, слав - не, на-став-ля - я

Бо-жественному и пресветлому Христову, пре-бо-га - те.

3. Хвалите Его в тимпане и лице,

хва - ли - те Е - го во стру - нах и ор - га - не.

Доб - ро - то - ю, бо - го - муд - ре, те - лесною душевною доб-

ро - ту бла - го - душ - но пре - ме - нил е - си

и умное благолепие плотскою кра-со-то - ю, и зря - щи-я,

му - че - ни - че, у - ди - вил е - си, зна - мень - ми

си - я - я и чу - де - сы, цве - том ю - нос - ти,

со - ста - рев - ших - ся ра - зум при - ем,

ве - ро - ю же и благодатию про - све - ща - емь.

НА ХВАЛИТЕХ СТИХИРЫ НА 4, ГЛАС 8**Подобен: О** преславного чудесе:

1. Стих: Хвалите Его на силах Его,/ хвалите Его по множеству величества Его.

Дело помышления Вышняго,/ еже на тебе бывшее, светло показася,/ телесныя бо страсти целити явственно,/ Пантелеимоне, научаемь,/ душ обрелся еси врач изряден,/ словом благодати уврачуя вся// и мрачныя лести избавляя к тебе притекающия.

2. Стих: Хвалите Его во гласе трубнем,/ хвалите Его во псалтири и гуслех.

Милости Божия подобяся,/ Пантелеимон яве именовася,/ сугубо прием имя и подобное вещи./ Яко сострадателен бо, милуеши всех,/ сугубо подавая сим исцеление,/ питая и целя, и к разуму, славне,// наставляя Божественному и пресветлому Христову, пребогате.

3. Стих: Хвалите Его в тимпане и лице,/ хвалите Его во струнах и органе.

Добротою, богомудре,/ телесною душевною добротою/ благодушно пременил еси/ и умное благолепие плотскою красотою,/ и зрящия, мучениче, удивил еси,/ знаменьми сияя и чудесы,/ цветом юности,/ состаревшихся разум прием,// верую же и благодатию просвещаемь.

Глас 5, самогласен, Германово:

4. Стих: Хвалите Его в кимвалех доброгласных, хвалите Его в кимвалех восклицаня./ Всякое дыхание да хвалит Господа.

Всесвѣтлая мученика память сияет,/ яко со́лнце, концѣм,/ и непрестáнно подавает верным исцелѣния,/ недúги отгоняющи и страсти исцеляющи,/ молится бо присно Пантеле́ймон Христу́// даровати душам нашим вѣлию мѣлость.

Слава, глас 4, Византиево:

Днесь просия страстоносца пáмять,/ приидите, вѣрнии,/ духóвно возвеселѣмся,/ и песньми сего венча́ем,/ ибо невидимаго врага силою крѣстною/ мýжески побѣдил ѣсть,/ и, мучителей безмерных мук не убо́явся,/ законно почестъ прият Вышняго звáния,/ и ны́не со ангелы вечно почивáет./ Но, о мучениче Христов Пантеле́ймоне,/ врачу недугующих и пристанище обурева́емых,/ не преста́й моляся Милостивому Бо́гу// спастися душáм нашим.

И ныне, Богородичен, глас тойже:

Богородицу песньми немóлчными/ благочестно поем, вопи́юще:/ ра́дуйся, Горо святáя,/ радуйся, Престоле огненосный всѣх Царя,// радуйся, Похвало Ангелов и святых Сла́во.

Славословие великое:

Слава в вышних Бо́гу,/ и на земли мѣр,/ в человецех благово́ление./ Хва́лим Тя, благословѣм Тя,/ кла́няем Ти ся, славословим Тя, благодарѣм Тя,/ вели́кия ради славы Твоея́./ Го́споди Царю Небесный, Боже Отче Вседержителю,/ Го́споди, Сыне Единородный, Иисусе Христе, и Святы́й Ду́ше./ Го́споди Боже, Агнче Божий, Сыне Оте́чь,/ взѣмляй грех мира, помѣлуй нас;/ вземляй грехи мира, прими молитву на́шу;/ седя́й одесную Отца, помѣлуй нас./ **Я**ко Ты еси еди́н Свят,/ Ты еси еди́н Господь,

Иисус Христос, в славу Бога Отца. Аминь./

На всяк день благословлю Тя, и восхваляю Имя Твое во веки, и в век века./

**Сподоби, Господи, в день сей без греха сохраниться нам./
Благословен еси, Господи, Боже отец наших,/ и хвально и
прославлено Имя Твое во веки. Аминь./**

**Буди, Господи, милость Твоя на нас, якоже уповаем на
Тя./**

**Благословен еси, Господи, научи мя оправданием Твоим./
Трижды.**

**Господи, прибежище был еси нам в род и род./ Аз рех:
Господи, помилуй мя, исцели душу мою, яко согреших
Тебе./ Господи, к Тебе прибегах, научи мя творити волю
Твою, яко Ты еси Бог мой:/ яко у Тебе источник живота,/ во
свете Твоем узрим свет.// Пробави милость Твою ведущим
Тя.**

**Святой Боже, Святой Крепкий, Святой Безсмертный,
помилуй нас. Трижды.**

**Слава Отцу и Сыну и Святому Духу и ныне и присно и во
веки веков. Аминь. Святой Безсмертный, помилуй нас.**

**Святой Боже, Святой Крепкий, Святой Безсмертный,
помилуй нас.**

Тропарь. глас 3-й.

**Страстотерпче святой и целебниче Пантелеимоне,/ моли
Милостиваго Бога,/ да прегрешений оставление// подаст
душам нашим. Дважды.**

Слава, и ныне, Богородичен:

Тя, ходатайствовавшую спасение рода нáшего,/ воспеваем,
Богородице Дéво,/ плотию бо от Тебе восприятою Сын Твой
и Бóг наш,/ крестом воспри́м стра́сть,// избави нас от тли,
я́ко Человеколю́бец.

НА ЛИТУРГИИ

Блаженны от канона святого, песни 3-я и 6-я.

Прокимен, глас 4: Дивен Бог во святых Своих,/ Бог Израилев.

Стих: В церквах благословите Бога, Господа от источник Израилевых.

Апостол к Тимофею, зачало 292.

Аллилуия, глас 2: Праведник, яко финикс процветет, и яко кедр, иже в Ливане, умножится.

Стих: Насаждени в дому Господни, во дворех Бога нашего процветут.

ПО ВХОДЕ:**Тропарь, глас 3:**

Стратотерпче святы́й и целебниче Пантеле́имоне,/ моли́ Милостиваго Бо́га,/ да прегрешений оставле́ние// подаст душáм нашим.

Слава: кондак, глас 5-й:

Подража́тель сый Ми́лостиваго,/ и исцелений благодать от Него́ прие́м,/ стратоте́рпче и мучениче Христа Бо́га,/ моли́твами Твоими душевныя наша недúги исцели́,/ отгоняя присно борца соблазны от вопиющих ве́рно:// спаси́ ны, Го́споди.

«И ныне» – кондак, глас 6-й:

Предстательство христиан непосты́дное,/ ходатайство ко Творцу непрелóжное,/ не презри грешных молений гла́сы,/ но предвари, яко Благая, на по́мощь нас,/ верно зову́щих Ти;/ ускори на молитву и потщися на умоле́ние,// предстательствующи присно, Богорóдице, чту́щих Тя.

Причастен: В память вечную:

Молитва

О, великий Христов угодниче и преславный целебниче, великомучениче Пантелеимоне! Душею на небеси Престолу Божию предстояй и Триипостасныя славы Его наслаждаяйся, телом же и ликом святым на земли в Божественных храмах почиваяй и данною Тебе благодатию различная источаяй чудеса, призри милостивным оком на предстоящая люди и честней твоей иконе умильно молящихся и просящих от тебе целебных помощи и заступления. Простри ко Господу Богу нашему теплая своя молитвы и испроси душам нашим оставление согрешений. Се бо мы за беззакония наша не смеюще возвести очес наших к высоте Небесней, ниже вознести глас молебный к Его в Божестве непреступней славе, сердцем сокрушенным и духом смиренным тебе, ходатая милостива ко Владыце и молитвенника за ны, грешныя, призываем, яко ты приял еси благодать от Него недуги отгоняти и страсти исцеляти. Тебе убо просим: не презри нас, недостойных, молящихся тебе и твоея помощи требующих. Буди нам в печалех утешитель, в недугех лютых страждущим врач, напастваемым скорый покровитель, очесем недугующим прозрения датель, ссущим и младенцем в скорбех готовейший предстатель и исцелитель. Исходатайтвуй всем вся, яже ко спасению полезная, яко да твоими ко Господу Богу молитвами получивши благодать и милость, прославим всех благих Источника и Дароподателя, Бога Единого в Троице Святей славимаго, Отца и Сына и Святаго Духа, ныне и присно и во веки веков. **А**минь.